

# 金刀梁高永文梁卓偉撐場 Fit馬女婿診斷中心開張熱鬧



■女婿劉仲恒(左一)診斷中心開張，身為外父的馬時亨當然要仔住老婆現身，圖左二為馬時亨女兒馬露明。

**港**鐵主席馬時亨女婿劉仲恒，原本在廣華醫院擔任放射科專科醫生，去年八月，他和一名同事拍檔雙雙跳出公院，並投資數千萬元在位於中環心臟地帶的娛樂行，大搞醫學診斷中心，中心昨正式開幕。馬時亨、女兒馬露明與劉仲恒一家人，都穿上寶藍色裝束現身，與中心的標誌顏色相輝映襯到絕！

多位醫學界猛人出席撐場，有食衛局局長高永文、標準工時委員會主席梁智鴻、港大醫學院院長梁卓偉、香港耀能協會主席梁乃江、醫學界立法會議員陳

沛然和港大深圳醫院院長盧寵茂等，星光熠熠。

## 大屋唔住 搬樓下方便湊孫

Fit馬一見傳媒就大讚女婿為了達成心願，過去半年都好落力籌備開張，又指女婿是個好動力和上進的年輕人，值得香港年輕人做效。他又話，為了支持女婿，自己同老婆有大屋唔住，搬去女婿屋企樓下，方便湊孫，果然係一百分的外父。

劉仲恒坦言，過去半年馬不停蹄進行籌備工作，剩係揀地方同搞裝修都頭痕，每晚都要十一二點先返歸，真係要多謝太太支持同包容。

話說回頭，Fit馬作為前商經局局長，當然有留意特首跑馬仔，他對林鄭表明參選感到高興，大讚曾經一齊共事的林鄭、曾俊華和葉劉的工作能力都非常高，他繼續持政治中立的態度睇特首戰。



■多位醫學界名人出席撐場。

盧駿